

Temeljem članka 95. Zakona o Poreznoj upravi Federacije Bosne i Hercegovine ("Službene novine Federacije BiH", broj 33/02), federalni ministar financija - federalni ministar finansija donosi

PRAVILNIK

O IZMJENAMA I DOPUNAMA PRAVILNIKA O DODJELJIVANJU IDENTIFIKACIONIH BROJEVA I POREZNOJ REGISTRACIJI POREZNIH OBVEZNIKA NA TERITORIJI FEDERACIJE BOSNE I HERCEGOVINE

Članak 1.

U Pravilniku o dodjeljivanju identifikacionih brojeva i poreznoj registraciji poreznih obveznika na teritoriji Federacije Bosne i Hercegovine ("Službene novine Federacije BiH", br. 39/02 i 1/03), iza članka 15. dodaje se novo poglavlje IIIa. I članak 15a. koji glase:

"IIIa-POSTUPAK DODJELJIVANJA IDENTIFIKACIONIH BROJEVA I POREZNE REGISTRACIJE DIPLOMATSKIH I KONZULARNIH PREDSTAVNIŠTAVA, MISIJA I MEĐUNARODNIH ORGANIZACIJA

Članak 15a.

Postupak dodjele identifikacionih brojeva diplomatskim i konzularnim predstavništvima, misijama i međunarodnim organizacijama u svrhu korištenja istog za plaćanje poreza i doprinosa iz plaća uposlenika - rezidenata Federacije BiH, vrši se na način i po postupku utvrđenom čl. 8., 9. i 10. ovog pravilnika, uz podnošenje dva primjerka popunjenog obrasca prijave (obrazac DKP) za dobivanje identifikacionog broja.

Obrazac prijave (DKP) je sastavni dio ovog pravilnika."

Članak 2.

Ovaj pravilnik stupa na snagu narednog dana od dana objave u "Službenim novinama Federacije BiH".

Broj 05-02-5180-1/02
16. veljače 2004. godine
Sarajevo

Ministar
Dragan Vranki}, v. r.

POPUNJAVA STATISTIKA	
9. DJELATNOST : <u>Eksteritorijalne organizacije i tijela</u> <small>(naziv djelatnosti)</small>	9 9 . 0 0 0
10. Broj uposlenika angažovanih od lokalnog stanovništva _____	

11. NAPOMENE :

12. Datum _____ 200__ godine

Prijavu podnio-la : _____ M.P. _____

Potpis _____ / _____ / _____ / _____

Broj LK _____

(Prezime) (Drugo prezime) (Vlasito ime)

UPUTSTVO ZA POPUNJAVANJE OBRASCA DKP

U prostor koji je označen sa "POPUNJAVA STATISTIKA" **DKP ne unosi podatke.**

Pod kraticom **DKP** podrazumjevaju se diplomatska i konzularna predstavništva, misije i međunarodne organizacije

Tačka 1. - Datum otvaranja DKP - odnosi se na datum kada strana diplomatska i konzularna predstavništva, misije i međunarodne organizacije prijave svoje otvaranje u Bosni i Hercegovini kod Ministarstva vanjskih poslova.

Tačka 2. i 3. - Unose se podaci prema stanju u trenutku otvaranja DPK

Tačka 4. - Zaokružuje se jedan od ponuđenih odgovora

Tačka 6. - Zaokružuje se jedan od ponuđenih odgovora. Modalitet "2" se upisuje bez obzira da li je sjedište osnovnog DKP na teritoriji Bosne i Hercegovine ili ne.

Tačka 7. - Zaokružuje se jedan od ponuđenih odgovora

Tačka 8. - Datum upisa promjene u registru - odnosi se na datum kada se prijavljena vrsta promjene DKP unosi u bazu podataka Registra. Kod prvog upisa u Register može se desiti da je ovaj datum isti kao i kod pitanja broj 1. (Datum otvaranja DKP)

Tačka 9. - Djelatnost - je za sviju ista i upisuje se "Eksteritorijalne organizacije i tijela"

Tačka 10. - Broj uposlenika angažovanih od lokalnog stanovništva - je broj državljana BiH uposlenih u stranom diplomatskom i konzularnom predstavništvu, misiji i međunarodnoj organizaciji bez obzira koje poslove obavljaju.

Tačka 11. - Napomene - Predviđena je za unos podataka, koji se odnose na DKP, bitnih za bazu podataka ovog Registra a nisu predviđeni u ovom obrascu, kao npr. kod odgovora na pitanje broj 6.- modalitet "2" - može se upisati zemlja gdje je glavno sjedište DKP, ili broj pasoša ako ima više od trinaest znamenki, ili neka druga napomena.

Tačka 12. Sadrži više elemenata. Upisuje se datum podnošenja ovog obrasca MIP-u, čitko ime i prezime i broj lične karte pasoša onog lica koje je podnio-la prijavu. U ovoj tački je predviđen i prostor gdje se unose podaci "ovlaštene osobe za zastupanje" (ambasador, konzul, šef ili neko drugi. Ako je strani državljanin - upisuje se broj pasoša sa obaveznom "P" u prvoj kućici (u slučaju da je broj pasoša duži od dvanaest znamenki upisuje se onoliko koliko ih može stati, a cio broj se upisuje u "Napomene" - pitanje 11.), a ako je državljanin BiH upisuje se JMBG. Obavezan je pečat DKP.

Obrazac se popunjava u tri primjerka, od čega jedan ostaje Ministarstvu vanjskih poslova.